



Sakspapir

Sakshandsamar	Arkiv	ArkivsakID
Gjermund Hagesæter	FE-025, FA-U01	20/324

Saksnr	Utval	Type	Dato
086/20	Formannskapet	PS	13.10.2020
	Kommunestyret	PS	

Samarbeidsavtale mellom Fedje kommune og Vestland fylkeskommune gjeldande Invest in Bergen og Etablerersenteret 2021-2024

Vedlegg:

Ny samarbeidsavtale mellom VLFK og kommunane
avtale
entreprenørskapsstøttesystem
Ny samarbeidsavtale VLFK og Fedje kommune
status
årsmelding 2019

Saksutgreiing:

Bakgrunn

Fedje kommune mottok 20/6-20 brev frå Vestland fylkeskommune utkast til ny samarbeidsavtale mellom Fedje kommune og Vestland fylkeskommune om Invest in Bergen og Etablerersenteret. Fedje kommune har meldt tilbake at saka er under handsaming og har fått utsatt svarfrist til saka er handsama i kommunestyret.

Bakgrunnen for denne saka er at Hordaland fylkeskommune i 2017 inngjekk avtale med 22 kommunar om eit fireåring program frå 2017 til 2020 om eit samarbeid om Invest in Bergen (www.investinbergen.no) og Etablerersenteret (www.etablerersenteret.no). Dette er eit spleiselag mellom fylkeskommunen og kommunane.

Det ble inngått ein likelydande avtale som regulerte dette samarbeidet mellom fylkeskommunen og dei 22 kommunane som inngjekk i samarbeidet. Etter kommunesamanslåingane er det 17 kommunar som har avtale med Invest in Bergen og Etablerersenteret. Fylkeskommunen er avhengig av ei felles finansiering saman med kommunane for å oppretthalde dei to tenestene. Avtalen med kommunane går ut ved årsskifte 2020/2021, og fylkeskommunen ønskjer å inngå ein ny avtale med kommunane for programperioden 2021-2024.

Ny avtale Vestland fylkeskommune ønskjer i utgangspunktet at ein ny avtaleperiode 2021-2024 skal gjelde for både Etablerersenteret og Invest in Bergen. Men det er mogeleg å berre tiltre samarbeidet om eit av tilboda dersom kommunen ønskjer det.

Styringsmodell Dei to prosjekta har følgjande styringsgrupper som er nedsett av kommunane som er med i samarbeidet: Etablerersenteret: Dagleg leiar i regionråda og næringssjef/-rådgjevar i dei kommunane som ikkje inngår i regionråd. Invest in Bergen: Politiske representantar frå kommunane, ein politiskar frå Bergen kommune og to politiskarar frå Vestland fylkeskommune. Kommunane sitt



Fedje kommune

bidrag inn i samarbeidet - Kommunane bidreg med eit fast beløp per innbyggjar i kommunen.

Kommunane, ved ordførar, deltek på årlege eigarmøte for å drøfte strategiske grep.

Fylkeskommunen tar på seg arbeidsgjevaransvaret for dei tilsette i Invest in Bergen og Etablerersenteret og stiller med kontorfasilitetar og tar på seg det administrative ansvaret. Fylkeskommunen bidreg med same beløp per innbyggjar som kommunane som deltek i samarbeidet. Følgjande finansieringsmodell sikrar gjennomføring av oppgåvene som skissert:

Invest in Bergen:

- Kommunane bidrar med 4 kroner per innbyggjar i kommunen, rekna per 01.01 kvart år. Avtalen gjeld frå 1.1.2021-31.12.2024.
- Vestland fylkeskommune betaler 4 kroner for tilsvarande folketal som i medlemskommunane.

Etablerersenteret:

- Kommunane bidrar med 3 kroner per innbyggjar i kommunen, rekna per 01.01 kvart år. Avtalen gjeld frå 1.1.2021-31.12.2024.
- Vestland fylkeskommune betaler 3 kroner for tilsvarande folketal som i medlemskommunane.

Finansieringa syter for drifta av Invest in Bergen og Etablerersenteret med løn til dei tilsette, kostnader til kurs, reiser og arrangement, og eventuelle investeringar som kan styrke dei to programma. Rapportering Invest in Bergen og Etablerersenteret rapporterer fortløpande til kvar si styringsgruppe. Vestland fylkeskommune rapporterer til dei øvrige eigarane/kommunane i det årlege eigarmøtet. Denne avtalen gjeld for 1.1.2021-31.12.2024.

Kommunane og fylkeskommunen kan seie opp avtalen i perioden. Ved oppseiing gjeld avtalen for det året den blir sagt opp samt neste kalenderår. Fylkeskommunen fakturerer årleg kommunane for deltaking i samarbeidet.

Fedje kommune hadde 551 innbyggjarar ved utgangen av 2. kvartal 2020. Dersom folketalet vert liggjande på dette nivået dei neste åra vil avtale om Invest In Bergen kosta Fedje kommune ca kr 2 204,- pr år og avtale om Etablerersenteret kosta Fedje kommune ca kr 1 653,- pr år. Tilsaman vert dette ca kr 3 857,- pr år.

Vurdering

Sidan dette er to prosjekt der finansiering vert rekna ut frå folketal åleine, kjem Fedje kommune forholdsvis rimeleg ut. På den andre sida kan ikkje rådmannen sjå at Fedje kommune har hausta noko gevinst av dette samarbeidet så langt. Dersom Fedje kommune skal halde fram med dette samarbeidet bør derfor ambisjonane vere at me også må få noko nytte av dette framover.

Fedje kommune treng arbeidsplassar og folketalsauke dei neste åra. Kostnadene desse tenestene utgjør er små dersom dette kan bidra til nye arbeidsplassar og folketalsauke. På denne grunnrår rådmannen til at Fedje kommune forpliktar seg i begge desse samarbeida for fire nye år.

Folkehelse: Ikkje relevant

Miljø: Ikkje relevant

Økonomi: Kan slå ut både positivt og negativt avhengig av kva me får ut av dette.

Konklusjon



Fedje kommune

Rådmannen rår til at Fedje kommune forpliktar seg både om Invest In Bergen og Etablerersenteret for fire nye år.

Forslag til vedtak:

Fedje kommune inngår ny samarbeidsavtale med Vestland fylkeskommune gjeldande Invest In Bergen og Etablerersenteret for perioden 2021 – 2024.

Formannskapet - 086/20

F - behandling:

F - vedtak:

Fedje kommune inngår ny samarbeidsavtale med Vestland fylkeskommune gjeldande Invest In Bergen og Etablerersenteret for perioden 2021 – 2024.

Samrøystes vedteke.